

6

D. D.
DISSERTATIO ACADEMICA
DE
**JURE JURANDO
SUPPLETORIO,**

QUAM

*Consensu Amplissimi SENATUS Philosophici
in Regia Academia Aboënsi,*

PRÆSIDE

**MAG. JOHANNE
BILMARK,**

HIST. & PHIL. PRACT. PROF. REG. & ORDIN.

Atque Facultatis Philosoph. b. t. DECANO,

Publice ventilandam siflit


JOHANNES BARCK,

TAVASTENSIS.

IN AUD. MAJ. DIE XXIII. Apr.. A:ni MDCCLXVIII.

H. A. M. C.

ABOÆ Impress. JOH. CHRISTOPH. FRENCKELL.



§. I.

Quemadmodum medicamenta ad sanitatem corporum nostrorum multum quidem conducunt, simul tamen luculenter indicant, vires nostras varia intemperie fractas fuisse; ita quoque haud pauca sunt instituta humana, quæ ad tranquillitatem generis nostri plurimum faciunt, quæ tamen corruptam hominum naturam produnt, adeo ut melius nobiscum ageretur, si illis carere possemus. Quam, quæso, jucundam degeremus vitam, si homines quod æquum, quod rectum & quod bonum est, semper sectarentur, vel, si quando affectuum impetu abrepti mala committerent, sponte sua errorem aut pravitatem actionum agnoscerent. Sed proh! dolor aliam ludunt scenam mortales, nec quam gerant personam omnes statim animadvertisunt. Non solum verba a mentis sententia immane quantum nonnunquam discrepant, sed pravas etiam actio-nes modo astute celant, modo virtutum coloribus ita incrustant, ut fucum tam simplicioribus quam prudentioribus non raro faciant. Sic homo, qui ad societatem colendam a Summo Numine erat condi-tus,

tus, pleraque ejus desiderasset commoda, nisi contra temerarium ingenii abusum ab ipso ingenio idoneum præsidium scite quæsivisset. Quum itaque nulla ferre gens tam barbara sit, quæ non agnoscat aliquod dari Numen, quod omnia novit & peccata graviter ulciscitur; igitur ut animi humani levitatem & fallendi pruritum compescerent, receptum fuit, DEum & testem eorum, quæ gerebantur, & vindicem, si fallere auderent, invocare. Sic introducta sunt JURAMENTA, quæ sunt *assertiones religioæ, quibus Divine misericordiae renuntiamus, nisi verum dicamus, aut fidem datam fallamus.* Firmissimum merito hoc judicamus repagulum ad homines intra officiorum gyrum continendos; sed de quo valet, quod de aliis cautionibus, quæ in contrahendo adhibentur, gravior censuit SENECA: esse nimirum illud turpem humano generi fraudis ac nequitia confessionem (a); quippe quo supersedere possemus, si erectas mentes omnes gererent. Esto autem, quod juramenta præstantiam aut sinceram hominum indolem non arguant, ita tamen sunt comparata, ut sine his ad veritatem liquidam in causis præsertim obscurioribus pervenire non detur; quamobrem etiam in foro civili atque judiciis frequentissimus est eorum usus.

(a) Vid. Libr. III. de Beneficiis. Cap. XV. p. m. 417.

§. II.

Varia omnino sunt officia, quæ tam Ratio quam Leges nostræ Patriæ Judici in juramentis deferrendis injungunt, quorum nonnulla hoc loco attulisse, a proposito nostro hand erit alienum. Quamvis

igitur juramentorum summa debeat esse reverentia; dantur tamen homines, salutis suæ adeo negligentes, ut pejerare non dubitent. Quidam enim ut de DEI existentia Ejusque attributis parum serio cogitant; ita adsertionibus religiosis exiguum statuere pretium, sibi religioni non ducunt. Alii rursus adeo profligatæ sunt audaciae, ut sibi admodum persuadeant, Deum non satis curare res humanas, Ipsum esse maxime misericordem, & proinde votis atque precibus ita placatum iri, ut pœnas vel tardius immittat, vel leniori ratione exigat. Alii denique pejerare non dubitant, modo affectibus suis, imprimis feroci honorum atque pecuniarum cupidini, amplissime satisfacere queant, commodi aut lucri ita obtenti gaudio conscientiae stimulos utcunque obtusuri. Quamobrem judicis est, sollicite cognoscere causas, ut ad veritatem liquidam pervenire queat; cui fini tam instrumenta, quam aliæ probationes multum inserviunt. Sed quum hoc opus non semper ex voto ipsi succedat, summa ope niti debet, ut lites obortæ, si ejus fuerint indolis, amice componantur. Quare Codex FRIDERICIANUS R. B. Cap. XX: §. 2. År faken för Nåtta och under Skärskådan kommen, råde åntå Domaren parterna att sig förena/ om faken sådan år att thet tillåtas må. Quod si vero nec litigantes ad concordiam reduci queant, nec vel instrumenta vel aliæ probationes ad controversam causam plene dirimendam sint in promptu, juramenta quidem sunt adhibenda, sed ita ut de his in universum valeat, quod de jurejurando purgatorio

torio in specie dictitant Leges nostræ N. B. Cap. XVII. §. 30: Ej må thet ske utan i undsfall och ther fanning ej annors utletas kan. D. N. 28. Antequam vero jusjurandum adhibet iudex, ulterius considerabit qualitatem & existimationem personarum; ab ea enim, cuius notior est probitas ingenuam magis atque sinceram confessionem, præstito jurejurando, expectare fas est. Hinc N. B. Cap. XVII. §. 29. Ar han ej af then frågd/ at Eden honom tillåtas kan/ ta må han ej til saken fällas. Ex eadem ratione derivandum, quod in gravioribus delictis, ubi semiplene tantum facinus fuerit probatum, & reus illud perrinaciter negaverit, metusque sit, ne perjurium ipse committat, caussa controversa in aliud tempus differatur, vid. N. B. Cap. XVII. § 32. Denique jubent Leges nostræ, ut juraturo temporis spatium concedatur, si tale desideraverit, quo singula negotii momenta probe secum ruminari queat, cœu ex §. 31. citati Cap. adfatum colligi potest.

§. III.¹

Tantam sollicititudinem, quantam modo vidimus, in juramentis quibuscumque deferendis quum adhibere debeat iudex, tum maxime hoc fieri oportet circa *Jusjurandum Suppletorium*, *Fyllnads Ed.* Est autem *Jusjurandum Suppletorium* illud, quod adhibetur ad supplendam probationem faltem semiplenam pro alterutro militantem. Semiplenam autem probationem communiter appellamus, quæ unius nititur testimonio. Enimvero non testes tantum, sed

alia etiam indicia & suspicione pro semiplena probacione (*halstwa filii*) habentur, *R. B.* Cap. XVII. §. 30. Quocirca tamen notandum, quod non quævis indicia aut suspicione cordato judici facultatem concedant, jusjurandum Suppletorium alterutri litigantium deferendi, sed quod debeant ejus esse indolis, ut magnam pariant probabilitatem. Leves enim & remotiores suspicione jurejurando Actoris ita firmari, ut victoriam ipsi concederent, res aleæ plenissima foret, & quæ latam ad perjuria atque impietatem panderet januam. Similiter quod ad testem, qui in ancipitibus ejusmodi casibus adhibetur, non solum ea tenenda, quæ de testibus in genere præcipiunt Leges nostræ *R. B.* Cap. XVII. §. 7; sed insuper observandum, quod testimonium ipsum concernere debeat illa momenta, in quibus cardo rei præcipue vertitur, adeoque parum valeat, si circumstantiam quandam remotiorem tantum confirmet, nec essentiam caussæ, de qua controvertitur, ullo modo stringat. Nam jusjurandum eum in finem adhibetur, ut integra lis oborta dirimatur; ergo, si testis non de tota caussa controversa, sed de uno alterove momento ejus deposuerit, per jusjurandum suppletorium, quod alteruter litigantium præstat, probatio plena in momentis quidem definitis obtinetur, non vero in tota caussa controversa. Ceterum de requisitis jurisjurandi Suppletorii egregia omnino sunt, quæ habet *MYNSINGERUS* (a), qui sex conditiones conjunctim desiderari monet: primam, ut semiplene probatum sit, atque ut ea probatio vere &

re & necessario, non præsumtive concludat: alteram, ut ille, cui defertur jusjurandum, veritatem sciat probabiliter per sensum corporeum: tertiam, ut idem sit vir integræ exploratæque fidei: quartam, ut caussa non sit ardua vel criminalis, sed modica atque civilis: quintam, ut semiplena ista probatio præsumtione quadam dilui aut elevari non possit: ac sextam denique, ut jusjurandum illud præstetur antequam in caussa sit conclusum. Denique ex allata definitione satis patere arbitramur, haud necessarium esse jusjurandum suppletorium, si alteruter litigantium justitiam causæ suæ plene probaverit; tunc enim pro re nata vel dominium rei litigosæ in Astorem transfertur, vel si hic causæ ceciderit, adversarius confirmationem dominii nanciscitur.

(a) Vid. *Centur. I. Obser. LXVIII.*

§. IV.

Tradita jam jurisjurandi suppletorii indole, haud difficulter apparet, qua ratione illud ab aliis juramentorum speciebus differat, quæ cum illo ad similitudinem quandam habere videntur: quorum imprimis referimus *jusjurandum in litem*, *jusjurandum purgatorium*, *Värjemåhs Ed*, nec non *juramenta delata atque relata*, *hembudne och återskutne Eder*. Illud est, quo certis in casibus partim res determinatur, partim etiam rei quantitas; de qua contentio mota fuit. Quoties igitur res vel furto vel alia ratione perierit, nec rei amissæ quantitatem aut pretium determinare possunt constituti æstimatores, tunc dominus,

nus, præstito jurejurando, determinat quantitatem & pretium rerum amissarum R. B. Cap. XVII. §. 35. Hinc igitur apparet, quod jusjurandum in litem in eo potissimum differat a jurejurando Suppletorio, quod ne quidem semiplenam probationem semper requirat, antequam quis illud deponere queat. Jusjurandum Purgatorium adhibetur ad elidendam suspicionem, quam quis incurrit. Quando itaque vel unius testimonio, vel aliis momentis, quæ junctim sumta, semiplenam efficiunt probationem quis fuerit gravatus, hoc jurejurando a suspicione se plerumque liberat, R. B. Cap. XVII: §. 29. 30. Dico plerumque; nam in caussis gravioribus hoc jusjurandum reo non conceditur, per cit. Cap. §. 30. Ex quibus constat, quod jusjurandum purgatorium a reo tantum præsteratur, suppletorium autem ab eo litigantium deponi soleat, qui caussam suam semiplene probavit. Præterea illud obtinet tam in caussis criminalibus, quam civilibus, hoc autem in civilibus tantum. Jurajuranda *delata* & *relata* in eo consistunt, quando alter litigantium alteri coram Judice offerit jurejurando contestari actionis vel exceptionis suæ justitiam, hac conditione, ut qui juramentum præstare detrectet, caussa cecidisse judicetur. Hæc iterum in caussis tantum civilibus ex tenore Legum nostrarum valent R. B. Cap. XVII. §. 34. & sunt medium extraordinarium ad veritatem perveniendi in caussis obscurioribus, in quibus ne semiplena quidem probatio ab alterutra litigantium parte præstari potest.

§. V.

Quod ad moralitatem jurisjurandi Suppletoriū attinet, de eadem in diversas om̄nino sententias abeunt Eruditi; aliis hoc jusjurātum rejicientibus, aliis autem illud, ut medium ad veritatem in causis obscurioribus perveniendi, admittentibus. Utrique etiam suas opiniones variis confirmare rationibus allaborant. Qui enim priorem tuentur sententiam, existimant medium inter probare & non probare dari nullum; quare semiplenam probationem nullius esse momenti censem, urgentque vetus illud proverbium: εἰ μαρτυρεῖτι, σὸν καλῶν πέσσεις οὐ καλῶς ἔχει, id est uni testi, ne Catoni quidem, credere fas est. Hinc jusjurandum modo dictum tum demum esse admittendum arbitrantur, quando talis & tanta utrinque probatio allata fuerit, ut par quodammodo fiat Actoris atque Rei caussa, & judicis proinde animus in suspeso hæreat, quid ex omnibus potissimum sit statuendum. Præterea huic jurijurando adversum existimant tritum & ab ipsis etiam gentilibus receptum canonem: *Actore non probante, reum esse absolvendum.* In quo per probationem non aliam, quam plenam intelligendam esse censem. Gravissimum autem momentum, quod contra jusjurandum modo memoratum adfertur, hoc est, quod per illud quis testis fiat in propria caussa; quo nihil fere absurdius aut ineptius esse potest. Hoc autem tanto minus negari posse autumant, quum ad plenam probationem duo integri testes requirantur. Enimvero præter testem,

semiplenam probationem efficientem, nemo est, qui testimonium deponit præter alterutrum litigantium. Ergo hic idoneus testis in caussa licet propria habetur. Sed quid, quæso, hinc existit? Cum quis, præstito jurejurando suppletorio, in præcipuam partem arbitrii litis decidendæ veniat, facile etiam fieri potest, ut præstigiis vel bonorum vel honorum se in transversum abripi patiatur, adeo ut veritatem reticeat. Quanto melius CICERO: *Ita, inquit, more majorum comparatum est, ut in minimis rebus homines amplissimi testimonium de sua re non dicerent.* AFRICANUS, qui suo cognomine declarat, tertiam orbis partem se subegisse, tamen si sua res ageatur, testimonium non diceret; nam illud in talem virum non audeo dicere, si diceret, non crederetur (a). Ex quibus consciunt, sententiam jurejurando suppletorio nixam esse valde lubricam.

(a) *Vid. Orat. Ejus pro Sexto Roscio Cap. XXXVI.*

§. VI.

Quin speciosa sint hæc, quæ adferri solent, argumenta, nemo facile inficias ibit; nec tamen desunt adversæ sententiæ patronis rationes, quas in robur jurisjurandi Suppletorii producant. Sicut igitur diversi admodum dantur probabilitatis gradus, ita quoque inter plene probare & non probare, dari medium contendunt; quando scilicet Actor nequè omnino, neque nihil, sed aliquid tamen probat. Quod ne gratis dictum videatur, ponamus Titium de facto quodam Caji deposuisse; Ergo

go si vulgari canoni: *unus testis, nullus testis, standum, testimonium illius pro nullo erit habendum.* Interjecto tempore Sempronius quoque idem de Cajo adfirmat; atque tum factum Caji in foro ci-vili plene probatum censetur. Quæritur autem: unde hæc probatio vim suam accipiat, aut ex te-stimonio Sempronii per se, aut ex hoc cum effato Titii junctim sumto? Non prius; nam Sempronius, quisquis ille sit, non nisi pro unico teste haberri potest. Sed nec posterius, quia cum unius Sem-pronii aut Titii testimonium nihil probare judice-tur, nec invalida hæcce effata, junctim licet sum-ta, quidquam valebunt. Interim tamen duo testes integri, qui de re quadam similiter deponunt, pro plena habentur probatione; quod secus se haberet, nisi singuli aliquid probasse judicarentur. Bene i-gitur nostro quidem judicio ARISTOTELES: *μας ίνε πλος κα εις χειρουργον, id est: Testis fide dignus, et iam si unus sit, utilis est.* Verum quidem est, quod semiplena probatio postponenda sit plenæ, non ta-men illa ob metum falsitatis rejicienda; siquidem & plena interdum fallere queat, testibus vel cor-ruptis vel de ipsa causa male forsitan informatis. Non tamen unius testimonium ad causæ cuiuslibet decisionem valebit, quare etiam a Majoribus nostris graviter statutum legimus: *Ester ens tal shall ingen* Domas / Dom. R. XVI: 8. *Quod ad alterum ca-nonem attinet; Actore non probante, reus absolvitur;* hunc ita intelligimus, ut si Actor nihil omnino probet, reus tum absolvatur. At si Actor semiple-

ne causam suam ita probaverit, ut reus probatio-
nem istam eludere nequeat, iniquum videtur, il-
lum eo in casu absolvere. Judicis proinde est de-
cernere, quomodo probatio allata impleatur vel
per jusjurandum Suppletorium vel per Purgatorium,
vel si neutrum horum mediorum satis idoneum pu-
tetur, neque aliæ rationes adferri queant, causa
controversa in aliud tempus erit differenda, Dom.
R. XXIX. atque R. B. Cap. XVII: §. 32. Deni-
que contendunt, quod per jusjurandum Suppletori-
um quis fiat testis idoneus in sua causa, id quod
repugnat Legibus morationum gentium & impri-
mis Dom. R. XXXVII. Fateor equidem hoc mo-
mentum sua non carere difficultate. Interim ta-
men observare licet, quod ille litigantium, qui, præ-
stito jurejurando Suppletorio, deponit, inopia alia-
rum probationum, in casu extraordinario eas so-
lummodo ita confirmet rationes, quæ per se & si-
ne novo hocce subsidio semiplene saltem persua-
dent judici. Adde præterea, quod cum jusjuran-
dum modo dictum neque in delictis neque in neg-
otiis anicipibus, immo nec ab aliis, quam qui ex-
ploratae sunt fidei, adhiberi debeat; hi autem tam
perficitæ frontis censeri nequeant, ut pejerare ma-
lint, quam exiguum aut honoris aut bonorum in-
crementum non accipere, per illud calculi justitiæ
non facile turbabuntur. Nec hoc denique loco e-
rit reticendum, quod testis, qui ante deponit, quam
alter litigantium ad jusjurandum Suppletorium ad-
mittitur, debeat esse oculatus, cui pierumque non
igno-

ignotæ sunt variaæ circumstantiæ temporis, loci, aliorumque, quæ singula magnam dictis ejus fidem faciunt.

§. VII.

Enimvero circa moralitatem jurisjurandi Suppletorii momenta quædam adhuc in medium attulisse haud pigabit. Sicut juramenta, quæ in foro civili adhibentur, institutis humanis suam debent originem, ita de moralitate illorum ex fine, propter quem introducta fueront, erit judicandum. Hic autem non aliis est, quam ut suum cuique tribuantur, lites obortæ componantur, & tranquillitas publica ita promoveatur. Quis vero nescit, quod in caussis obscurioribus civilibus, unica fere ratio ad veritatem perveniendi sit jusjurandum Suppletorium? Cujus proinde usum nemo facile improbat. Fateor equidem, quod quis hoc subsidio in sui commodum & adversæ partis perniciem temere abuti queat; sed quis omnes malitiæ humanæ rimas obturabit, aut quis denegabit usum alicujus rei ob metum abusus? Ponamus vero jusjurandum Suppletorium penitus abrogari, sicut a nonnullis populis idem non admitti novimus, quam quæso multæ controversiæ ita manerent indecisæ? Quam crebræ obstreperent oppressorum querelæ? Immo quum rara foret decisio in negotiis, in pactis & conventibus, in quibus facilem fidem aliorum integrati habemus; his juramentis abrogatis, fides omnis brevi ita exularet, ut ne ANAXARCHO qui-

dem jurato sine testibus quis crederet: qua ratione societas inter homines minime jucunda aut commoda foret.

§. VIII.

Evicta jam utilitate atque necessitate jurisjurandi Suppletorii in foro civili: ulterius erit dispiciendum, cui competit jus, hoc ipsum jusjurandum parti litiganti injungendi. Statim autem apparet, quod hæc potestas Judici competit. Cum enim ad ipsum pertineat de caussa cognoscere, ipse quoque præter testimonium vel allatas rationes, qui semiplenam efficiunt probationem, considerabit qualitatem personarum, qua fide & integritate habeantur, & quisnam litigantium ad jusjurandum præstandum admitti debeat. Hoc indeoles negotii postulat, hoc confirmat etiam adfinitas jurisjurandi Suppletorii cum purgatorio, adeo ut quicquid de hoc statuunt Leges nostræ R. V. XVII: §. §. 30, 31. & 32, idem etiam de illo valere censendum sit, confr. Dom. R. XXXII. Quod adeo verum est, ut omnes qui de hoc jurejurando aliquid litteris consignarunt, quamvis in multis a se discrepent, in eo tamen amice conveniant, quod potestas jusjurandum Suppletorium imponendi Judici competit. Quocirca tamen in antecessum observanda sunt illa momenta, quorum in §. III. mentionem fecimus. Quæri autem potest: Quid, si persona diversæ religionis e. g. Christianus & Judæus in causa quadam concurrerint, an huic etiam imponi possit jusjurandum Suppletorium, si cauillam suam con-

contra illum semiplene probaverit? Ex principiis moralibus constat, quod nullius, nisi Athei, jusjurandum sit respuendum, modo hoc religioni seu persuationi juraturi de Deo fuerit attemperatum; adeoque satis apparet, quod cum eadem limitatione Iudæi quoque jusjurandum, modo idem ceteroquin probam degit vitam, admittere debet Judex. Cum enim testimonium sit perhibendum de rebus, quas quis suis sensibus percepit, si vir cetera bonus sit & talis habeatur, iniquum foret ob disparitatem religionis ejus adserum rejicere. Bene enim *AESCHYLUS* ἔντες ἔρωτι πάτε, αὐτὸν ἔρωτα αἴπε. id est *Dat fidem vir jurijurando, non jusjurandum viro.*

§. IX.

Obvenit nunc nobis alia quæstio, eademque non minoris momenti, quam in §. antecedente resoluta, scilicet cui potissimum imponere debet Judex jusjurandum Suppletorium: Actori ne, an potius Reo? Utrique facultatem jusjurandum hoc præstandi, competere, sed diversis tamen in casibus, ex mox dicendis apparitum arbitramur. Primo tamen Actori hoc erit injungendum. Cum enim actoris sit caussam suam plene probare, ther Åklaqaren intet kan bewisa / ther är Swaranden fri, ty Åklaqare bör hafwa med sin klagemål skål och bewis / Dom. R. XXXV; Sæpe autem tales obveniant casus, ut testimonia ac rationes ab Actore productæ, simul licet sumtæ, non nisi semiplenam efficiant probationem; quamobrem tunc onus ei in-

incumbit, jurejurando caussæ suæ veritatem adse-
rere. Huic autem sententiæ nostræ refragari vi-
dentur varia loca Codicis *FRIDERICIANI*. Sic R.
B. XVII. §. 34: statuitur: med Ed kan man swara
och ej fåra. In hac autem §. damnat Legislator
perversam veterum consuetudinem, qua Actor, præ-
stito tantum jurejurando, victoriam caussæ suæ sine
aliis argumentis interdum consequbatur. Aliud
autem est solo jurejurando aliquid in foro adser-
re, id quod ineptum judicamus, aliud vero pro-
bationem semiplenam juramento confirmare; &
plenam ita efficere. Gravissima quoque sunt verba
in Dom. R. XXX: Ther Åklagaren hafwer ingen ans-
nor skål med sig på sitt klagemål/ utan wil holla
thet med sin Ed/ at han hafwer rått/ med sådan
Ed kommer han icke Swarandenom til Lagen = = =
Ej bør Eden wara på Åklagarens sida/ utan på
Hans sida som Swaranden är. Med Ed skal man
swara och icke flaga/ och ingen må swärja sig pen-
ning til. Nervosa omnino sunt tria hæc effata, quæ
vero rite intellecta sententiæ nostræ nihil officiunt.
Primum enim per se patet, & insuper egregie con-
firmat ea, quæ ad primam objectionem in medium
attulimus. In altero, quod jusjurandum erit non a
parte Actoris, sed a parte Rei, comparatio institui-
tur inter jusjurandum Actoris & Rei. Reus solo
jurejurando purgatorio suspicionem, in quam per
semiplenam probationem Actoris incurrit, saepe e-
ludit, atque ita palmam reportat, quare jusjuran-
dum purgatorium æquivalet plenæ probationi, sed
solum

solum jusjurandum Actoris litigiosum negotium non conficit. Unde tamen concludere minime fas est, quod jusjurandum Actoris, semiplenæ probatio- ni accedens, nihil ad rhombum faciat, quum hac ratione reus convincatur, Dom. R. XXIX. De- nique per regulam propositam, ne quis jurejurando pecunias sibi acquirat, multi credunt, Actorem, qui aliquid repetit, arceri a jurejurando præstar- do. Verum nee sic quidem nostri turbantur cal- culi. Aliud enim est, præstito tantum jurejurando, pecuniæ summam vel aliud peculium sibi acquire- re, aliud autem per præcedaneam semiplenam pro- bationem, cuius defectum supplet jusjurandum, per- svadere Judici, se verum esse rei litigiosæ Domi- num. Per illud omnes possessiones continuo turba- rentur; sine hoc ad Dominum, quod suum ante fuit, nunquam rediret. Tandem urgent, quod ex tenore nostræ opinionis, Actor fiat testis in sua caussa; ad quam objectionem in antecedentibus sa- tis respondimus. Quod rursus ad Reum attinet, ei etiam in re dubia injungi potest jusjurandum Sup- pletorium, si probatione semiplena saltem exceptio- nem suam demonstraverit. Hoc patet tam ex R. B. Cap. XVII, §. 33. quam ex Dom. R. XXXIII.

Ther Swarandes skåhl ej gjöra tilfyllest, ther twin- gas han til Lagen: ther man icke kan försvara sig med skåhl och witne / ther skal man försvara sig med laggång och Ed.

Et quoniam Reum committatur favor in jure nostro; æquum omnino est, ut si paribus rationibus causam probaverit Actor &

Reus, tunc jusjurandum Suppletorium concedatur Reo, modo nihil vitii, quod ad personam ejus, obverti queat. Contingit quoque interdum, ut dubium videatur Judici, an satius sit, Actorem ad jusjurandum Suppletorium admittere, an Reo jusjurandum purgatorium imponere, puta si uterque parem notitiam facti habeat, & Actor caussam suam semiplene probaverit; Reus autem nihil licet probans, probatoris tamen vitae habeatur. Enimvero quum in priori casu metus perjurii ponatur, tutius videtur atque Regulæ R. B. Cap. XVII: §. 34. allatae convenientius, Reum ad jusjurandum purgatorium admittere. Quod si alteruter litigantium libere & sua sponte veniam sibi expetat, jusjurandum Suppletorium praestandi, non ideo in suspicionem injustæ caussæ erit adducendus, præsertim si vir notæ integritatis fuerit, siquidem Leges nostræ occasionem suppeditent ejusmodi jusjurandum expetendi A. B. Cap. V: §. 1. Immo licet Reus excipiendo fiat Actor, non tamen propterea jusjurandum Suppletorium ei erit denegandum; quum ne sic quidem omnia beneficia amittat. R. B. Cap. X: §. 13.

§. X.

Jurejurando Suppletorio magnam vim & autoritatem in caussis Civilibus addit Codex FREDERICIANUS, ex quo nonnulla tantum loca in medium jam proferemus. Si controversia fuerit de infante recens nato & mortuo, utrum vivum fætum an mortuum enixa sit mater, tunc si unus iudicatus

doneus testis, qui adfuit, jurejurando adfirmet, infantem vivum fuisse, & mater vel quicunque ejus cognatus, qui partui interfuit, idem jurejurando adseveret, infans patris & mater infantis hereditatem accipit, **A. B.** Cap. V: §. 1. Præterea si quis apud alium quidquam deposuerit, certis vinculis inclusum; deponens vero suum repetiturus, vincula laxata & depositum imminutum inveniens, post semiplenam probationem, jurejurando valide adseverare potest, quantum fuerit depositum **H. B.** Cap. XII: §. 3. Libri quoque mercatorum si justa ratione fuerint confecti, & nihil vitii in his quis ostendere possit, pro semiplena probatione habentur, & mercator integritatem librorum suorum, jurejurando præstito, confirmans, plene probasse censemur. Sed de his pluribus differere, tenues, quales nostræ sunt, facultates non permittunt, quare opellæ nostræ finem imponimus.



**ERUDITISSIMO DOMINO
AUCTORI.**

Anmine quemadmodum in dubium vocari potest, quod docet Cicero, gratam mentem esse matrem omnium virtutum; Ita ego, qui TUA, *Eruditissime DOMINE*, per quatuor jam annos in artibus liberalibus fidelissima usus sum informatione, officii mei prorsus negligens jure censerer, nisi data hacce occasione pro tanto beneficio, non solum meo, sed etiam Fratris mei nomine publice ingentes TIBI agerem haberemque gratias, egregiamque, quæ **TE** ornat eruditionem & viam ad honores TIBI jam parat, ex animo TIBI obstrictissimo gratularer. Qui cuncta moderatur larga sua benedictione, omnibus honestis Tuis conatibus benignissime faveat! Ita voveo dum vixero

TUI

observantissimus,
JOHANNES SMALEEN.